

戊子國子生陳通奏祖罪謫陝西年七十無子孫侍養乞赦  
回許之

賑山東水災

西平侯沐英遣兵擊蒙化賊高天惠等斬之奏立蒙化景東

二衛

是歲辟耆民一千九百十六人

宣德侯金鎮降平壩衛指揮使六安侯王威降安南衛指揮

使俱黨論

威亡子次子城調清平衛

滎陽侯鄭遇春卒遇春濠州人從渡江克城定江南北從大

將軍開中原下汴洛朔得封坐累失侯十三年復爵卒國除

黃金曰李牧之守鴈門守勳之守并州吳玠之守蜀皆得

其善者也而世稱其功當國初擾攘六安南接蘄黃朔州

北接胡下並為要害遇春控弦守之皆保無虞肆 聖祖


定封于諸臣之功銖稱寸度至公而無私然必任重職者

始授侯封遇春一衛使耳乃亦列爵封侯而又兼官督府


是非超躐而貴之也豈亦以其維城之烈出于方略有過

人者宜受上賞與

工部郎中王國用上書訟李善長之寃曰臣聞君親無將臣




子誅意惡莫慘于逆天所共聲幽明之同糾也雖然臣聞  
世有輕重福亦有輕重禍擇重福者易輕禍釋重禍者薄輕  
福人心之或然者也竊見故太師李善長與 陛下一死生  
畢謀智以得天下為勲臣第一生封公死封王男尚公主親  
戚被綺繡福莫重焉當元之季異姓烏集超張奮霍欲如  
陛下者甚衆然卒 陛下得之天也其始異姓豈得奉頭脯  
下哉莫不齏粉耘折為世大悲禍莫重焉夫人之親其子孰  
與親其兄弟之子安享萬全之富貴孰與俛倖萬一者之富  
貴不格明甚雖至病狂必不易也善長于惟庸兄弟之子之  
親耳于 陛下子之親也即謂善長有病狂心欲自為臣猶  
未敢深理今謂其佐惟庸者萬一成事不過勲臣第一耳生  
公死王耳尚主納妃耳富貴無增加俛幸焉是重福之所無  
擇而重禍之所必至者也善長年四十一從 陛下四方之  
事今七十餘挺解摧頽鼓舞倦矣其子又託禁掖骨肉之親  
夫為死者非其血氣槁暴橫動于中則必有深仇急變大不  
得已之事而後父子之間或至相挾以求脫禍兩者無一焉  
平居宴然忽起此端此臣所以為善長疑者也若謂天象告  
變大臣當災則殺人應之豈天心與王憲哉善長已不幸失



刑臣猶懇惻為 陛下明者願 陛下作戒于將來也國用  
疏御史解縉代草其時大理寺卿陳輝亦上疏如國用之言  
上皆不之罪

朱國楨曰韓公之死王國用一疏發揮明切 高皇帝亦  
無辭以解然止論韓公之地位未究當日之事情也韓公  
有心計而無遠識觀其料張士誠一節便可槩見既以布  
衣特起佐平天下富貴已極耄且倦勤而 高皇帝益振  
厲法必行雷霆時擊 上之恩既不勝其威而摧折甚在  
多下之懷又不勝其懼韓公久居班首屢旨切責奪祿甚

曰欺可斬危矣日岌 焉憂及身家狗弟侄之言密通惟  
庸為脫死計應亦有之要之惟庸以黠才偶當上意而奸  
偽情狀旁觀豈不了 伯溫顯與之抗中山屢為之言而  
我以姻故相愜此豈腹心功臣善自保全之策乎昔蕭何  
常識韓信矣身追之自亡命立拜大將特達之知千古無  
二然鍾室之斬卒詒之被入蓋古人一心為國識大計如  
此並稱三傑抑有由來使何以舊恩終始與信綢繆恐其  
辱決不止械繫而王衛尉亦決不得以一言動漢祖之聽  
今韓公籌軍食輯和諸將誠可比蕭何而其知人則遠不



及雖塵識景濂不能識伯温而歸宿乃買于惟庸之邪  
說舍曰舉發而又比馬惟庸族矣弟且誅死矣猶徘徊觀  
望遲之十餘年迫而引決總之是世味中人構風雲履盛  
滿不制而敗終屬可憐温陵嫚罵儒者頗為上之人說法  
而乃以辭爵分祿責韓公以隔靴搔癢詆國用此豈其聰  
明之極真可抵掌千古者乎

國權

鹽官設遷孺木著

辛未洪武二十四年

正月己丑朔定國子監官品秩

立限清覈勘合


乙未築上虞海隄改造石閘

景川侯曹震至成都以四川都司左同知助一右同知徐凱  
成都後衛指揮使茆正治永寧瀘州納溪至摩尼驛道以貴  
州都指揮同知馬熈治永寧至曲靖驛道以四川都指揮僉

國權

洪武二十四年

一



事潘建昌衛月魯帖木兒治建昌驛道以成都後衛指揮僉  
事王清治保寧驛道以茂州衛指揮僉事俞勝治松茂驛道  
以播州宣慰使楊鐸重慶衛千戶鍾洪治貴播等驛道  
雲南遷謫官軍給半俸

庚子歲饑免山東青兗登萊濟南糧課

戊申穎國公傅友德為征將軍總兵官定遠侯王弼武定  
侯郭英為左右副將軍率諸將練兵備邊

曲阜知縣孔彥文不報災當逮宥之加賑

辛亥北平布政司左叅議周倬請增驛馬及白河浮梁從之

是月蕪湖知縣李行素為刑部右侍郎

二月戊午朔西域請以馬互市不許至者送京師

景州學正胡季為國子祭酒

丙寅上謂侍臣曰朕聞漢書賜民爵至二級三級聽民轉


移與子甚無謂也夫爵以命有德禮曰賢以制爵子無賢不

肖賢人君子何勸焉

命戶部武臣犯罪而宥者給半祿罪宥全給死而有子孫

給如之

癸酉值桐棕漆樹于朝陽門外各五十萬本有奇備漕艘之



需種首蒞于江南曠土

三月戊子朔日食

魏國公徐輝祖曹國公李景隆涼國公藍玉徽先伯桑敬都  
督馬鑑指揮嚴麟朱銘徐質陳義徐勳增壽等陝西練兵  
往防邊

已丑市馬高麗萬匹索闖人二百

甲午 上謂廷臣曰朕發庫中古鏡十餘鑑多失真召工問  
之皆莫能答最後一工曰範模不正朕惕然悟君心焉

乙未靖寧侯葉昇練兵甘肅

丁酉廷策貢士許觀等三十一人于奉天殿賜許觀張顯宗  
等進士及第出身有差下第貢士張孟鏞等授主事


劉薦嗣誠意伯賜誥增祿共五百石

太常寺少卿陳龔為兩浙轉都鹽運使

福壽子 一曰龔福

丙辰命齊王樽同總兵官出開平圍獵遇敵可自為陣或左  
右總兵官或繼後奏凱日毋自伐八月秋高可以師旋  
詔天下貢茶俱以茶戶採芽進毋預有司定建寧為上曰採  
春曰先春曰次春曰紫筍並歲著額

四月己未勅後軍都督僉事沐春曰今遠遁已設大軍寧都



司及廣寧諸衛足守其一片石等關止存十餘人游徼餘悉屯田

辛酉逮靈璧縣丞周榮父老詣闕保舉宥之賜鈔及宴還職  
戊辰鑄渾天儀成

聽流民所在占籍

江北患虎命哈散率衆力士往捕

辛未封王子楸慶王棟寧王棟梗棟岷王棟穗棟谷王棟韓王棟潘王棟

檀安王棟唐王棟郢王棟伊王棟

罷承勅郎改郎張斌梅福楊禮為御史

江寧縣沙洲脩築土城

詔更定侍班官并勒石大書品級立兩墀

丙子彗星見

戊寅定有罪罰役充京官皂隸一年


命燕王率傅友德等收捕番將阿失里

辛巳脩浙江奉化縣海隄役夫八萬一千六百餘人

乙酉齊東知縣鄭敏坐事逮繫邑人詣闕頌其廉勤賜鈔復官

廣東南雄府同知吉原以鎮撫賄獄不署案反被誣赴京得

直擢知府



五月丁亥朔諭兵部尚書茹瑞議給布政司以下官乘馬

己丑復停造寶鈔

御史解縉同父開先還鄉

辛卯午節宴群臣于奉天門幸龍光山閱射

定文武官封贈

戊戌漢王衛王谷王慶王寧王岷王往臨清練兵并設護衛

癸卯申明鈔法

甲辰浚浙江鄞縣東湖灌田

乙巳國子生日本滕祐壽為觀察使

國子生于京衛講武大誥

丙午京國公藍玉防西邊墜馬蘭州勅勞之

戊申捕誅江西分宜縣妖民

甲寅賑北平水災


六月丁巳命禮部清理釋道二教

定有司朔望謁文廟禮

己未詔部院同翰林儒臣參攷歷代禮制更定冠服居室及器用制度

選歷事官往各布政司整飭庶務勸學求才責成有司

甲子久旱命刑部及御史清內外獄





定軍官替襲封贈之制

儒學訓導位雜職上

甲戌頒通鑑史記元史于諸王

頒北方學舍書籍

己卯翰林侍講學士葛鈞降國子助教

壬午大理寺丞周志清為卿

是月河決原武黑陽山經開封城北五里又南經項城潁川  
潁上東至壽州正陽鎮全入于淮故道遂淤又自舊曹州鄆  
城過安山而元之會通河塞

七月丁亥東川侯胡海卒海定遠人以軍百戶從起兵累功右

軍都督僉事屬潁川侯征雲南封年六十三子斌戰沒贈都


督同知次次觀尚南康公主孫炳忠襲指揮僉事爵除

天下僧道庵觀非舊額者悉毀之

戊子太白熒惑歲星填星聚翼宿

庚寅刑部左侍郎李似左僉都御史張構同閣門使觀察使  
侍班百官奏事有闕遺者隨事規正

上諭工部曰漢高祖徙豪富于關中朕初不然之今思京師  
天下根本亦欲令富民居焉遂徙豪富五千三百戶



辛卯諭戶部曰應天太平寧國鎮江廣德朕念國初供億之勞民田盡免賦官田半徵民情玩愒復爾逋負朕所以全徵之今終不忘其半徵如故許罰役吏守喪

大風雨雷火江寧衛草場災

戊申禁罪人引誣良善雖輕亦重罪之

壬子 上念秦府致仕左長史文原吉輔道功勅賜銀二錠

鈔十錠錦帛三十

八月乙卯朔秦王棟見宮瓦碧將殺耿炳文 上召王還久之

市人浙江至是召還京師十二月遣歸

置天下諸司架閣庫度案牘設吏掌之

賜真人張宇初龍虎山正一玄壇之印

命皇太子巡陝洛擇文武諸臣扈從所經郡縣以宿頓聞


定封贈止嫡母正妻

增六部司務祿米

高麗進市馬千五百匹

辛未更定雲南鹽法

癸酉浙江黃巖縣海盜構倭人入寇官軍擊斬之



乙亥都督僉事劉真宋晟征哈梅里破之

天久陰馳勅于皇太子曰爾自幼至長未嘗遠出今命爾行  
陝渡江之際雷起東南爾征西北夫雷天威也爾前行雷後  
從其兆威震然厥陰不雨業已旬間占法主有陰謀者爾其  
慎舉動節飲食嚴宿親君子遠小人震威佳兆未可恃也  
雲南土酋雨龍等叛討平之

壬午罷者民糴糧

發山東河南預備倉貸貧民

九月乙酉朔許科舉歲貢于大誥出試目

禮部主事寬徹御史韓敬大理寺評事唐鉦使西域賫詔諭  
別失八里國王黑的兒火者時遣使貢馬徹等至其國被留  
以敬鉦二人還

丙戌誅浙江寧波白蓮妖僧

壬辰宋國公馮勝子諒殺人當論死以功臣子特免之

癸巳皇太子至西安

庚子罷建寧歲造龍團茶惟芽進之


罷閣門使改尤長徐曰莊為禮部主事

丁未軸轡侯朱壽左軍都督僉事黃輅漕海還自遼東

國權

洪武二十四年

八



吏部考功主事永嘉周丹復為新安縣丞丹治新安課最既  
遷邑人詣闕言丹後邑大擾遂復之賜宴賞

已酉脩浙江臨海縣橫山嶺水牐

壬子穎國公傅友德等還京

是月倭寇廣東雷州百戶李玉戰死錄其子為千戶

浙江嘉興府通判龐安獲私鹽以其鹽勞捕者戶部以違例  
責杖安奏律信于萬世例出于一時詎以時例壞萬世法若  
依例則非律所云應捕人給賞之言 上是之詔如律

十月甲寅朔遣元臣承徽院使康完者等使高麗以王瑤新立


丁巳北平河間大水詔免今年田租

宋國公馮勝穎國公傅友德同涼國公藍玉陝西練兵  
定生員中服之制

乙丑江西南豐縣典史馮堅上九事養聖躬擇老臣攘外夷  
選有司褒祀典減宦官調邊將訪廉能增關防 上是嘉之擢  
左僉都御史

丙寅湖廣寶慶衛舍人倪基上太平四事任用武臣制民恒  
產興舉社學選賢授職 上是嘉之命叅贊清平軍衛事

十一月癸未占城入貢 上以其國臣門閣勝殺主自立絕之



癸巳禮部諭天下生員兼讀誥律

丙申宋國公馮勝等請勅兵巡邊討西番未附者請上諭天  
象未利往討俟後命

巳亥高麗送市馬二千五百匹


命錦衣旗手虎賁左右興武鷹揚金吾前後羽林左右龍驤  
豹韜神策驍騎并府軍中前後左右衛俱江北官道旁草場  
牧馬

賞民間誦大誥子弟十九萬三千四百餘人

庚戌皇太子還自陝西初上薄南都命太子圖閔洛形勝

至是獻圖擬都長安

郭子章曰都秦者西漢二百餘年唐二百八十年秦隋俱  
二世亡其長短之數可觀矣都洛者東漢百九十五年魏  
晉各百年唐末徙于洛至宋靖康在汴洛間二百二十年  
拓拔完顏又百年其長短之數又可觀矣則洛何以不如  
秦哉夫秦天下之首也洛天下之腹也首之為體尊而腹  
之受大其可以都一也明興定都于金陵似若循六朝  
之舊洪武初營汴為北京則亦周公意也末年東宮營秦  
則亦婁敬張良藝祖志也而卒不果豈天將以待燕耶



齊王榑來朝 是月賑河南水災

五開苗蠻作亂官軍討平之

十二月癸酉朔唐徽為吏部尚書仍兼左都御史

高麗權國事王瑤遣其定成君奭入賀正旦

戊寅國子生夏倫楊砥等購書還京頒賜北方儒學

工匠役內府者皆給鈔 是月安南入貢

辛巳阿資復叛討降之

更六科給事中品秩

國權

鹽官設遷孺木著

壬申洪武二十五年

正月丁亥右都御史袁泰勅御史胡昌齡等四十一人不言時

政 上曰人臣進言會有時耳安知卒不言泰曰昌齡等非

不能言懷詐耳 上曰以詐罪人此何異張湯誹謗法泰乃


不敢復言

戊子周王橐來朝

令屯軍樹桑棗柿栗胡桃等備歲歉

國權

洪武二十五年



庚寅開封河患仍免田租

辛卯宥死罪輸粟于邊

癸巳定歲貢府學二人州再歲三人縣歲一人

何福討都勻蠻平之并以貴州宣慰使竊翠妻奢香隸鷲宜兵上以非稔惡不許

丙申送故元梁王孫愛顏帖木兒于高麗轉入耽羅國

壬寅晉王燕王楚王湘王來朝諭歲訓將練兵周視封疆作軍器必精良以固邊圉

甲辰天策衛卒吳英父得罪自請沒官贖父罪宥之

辛亥靖江王守謙薨守謙皇兄南昌王孫初南昌王子文正

謫死桐城育守謙宮中及長就封淫虐不悛召諭之作詩刺

譏俾鳳陽力田七年復爵鎮雲南淫虐如故召置鳳陽猶橫

恣奪牧馬乃答之幽京師卒子贊儀為世子


是月古州洞蠻叛都督俞通淵討平之

二月壬子朔傳制遣使持節等儀皆出東階

歲饑免山東濟南青兗登萊魚課

召曹國公李景隆涼國公藍玉開國公常昇長興侯耿炳文

東平侯王弼江陰侯吳高鶴慶侯張翼全寧侯孫恪安慶侯



仇正西涼侯濮璵東平侯韓勳瀋陽侯察罕徽先伯桑敬還  
京師仍命靖寧侯葉昇于河南衛宣寧侯曹泰于平涼衛安  
陸侯吳傑指揮陳義于岷州衛駙馬都尉李堅于鞏昌衛都  
督江信于臨洮衛都督宋晟于涼州衛都督劉真于甘肅衛  
指揮使嚴麒于慶陽衛指揮朱銘于延慶衛徐質于寧夏衛  
各練兵俟後命

上諭刑部尚書楊靖等曰京師之獄卿等三復奏朕親臨決  
猶慮不當中外有司安能人人盡職所上獄卿等詳讞之  
都督茅昂等俘五開叛酋

甲子命儒學諸生兼習射書數法

丙寅夜月食


癸酉詔諸將流罪以下謫戍雲南貴州者復其官曰此皆從  
朕萬死一生不戒而犯朕心不忍置之于法今既有年彼等  
想必自新矣

令天下衛卒以十之七屯種其三城守

賜涼國公藍玉米一千五百石

復寶鈔行用庫尋罷

山東曹縣主簿劉郁因事逮繫耆民詣闕言郁廉勤 上嘉





之復其官

辛巳穎國公傅友德請懷遠等縣官地九頃有奇為圃上曰祿腆矣而猶請地獨不聞公儀休乎

設遷曰上以公儀休折友德安其不為王剪蕭何也嚴主之莫測如此

三月壬午朔罷民間輸歲馬草

癸未命宋國公馮勝理西安平涼諸衛穎國公傅友德理山西諸衛曹國公李景隆理鞏昌洮岷河州涼國公監王理蘭涼莊浪西寧甘肅宣寧侯曹泰理秦金長興侯耿炳文理慶

陽延安綏德寧夏東平侯韓烈理潞州平陽安慶侯仇正理振武朔州西涼侯濮瓚理岢嵐蔚州定遠侯王弼理彰德懷慶寧山江陰侯吳高理綏陽歸德武平全寧侯孫恪理河南吉安寧國宣武弘農潼關東莞伯何榮理陳穎徽先伯理南陽信陽各繕城堡閱武


勅諭燕王殘胡散處于塞外必為後患其選六七千騎或萬騎各裹糧以乃兒不花等所部為鄉導令北平都指揮使周興為總兵官出塞搜捕

庚寅豫王桂改封代王漢王楨改封肅王衛王植改封遼王

國權

洪武二十五年

四



罷築鳳陽城

乙未建寧府教授周斌為中都國子監司業

癸卯兩浙都轉監運使陳龔坐胡黨宜論死以忠臣福壽元子宥之謫雲南勅西平侯善遇

設遷曰陳龔再坐罪一宥成一宥死豈福壽遺烈果獨結  
主知耿、不可泯者哉 上取天下斬文人亡美寧無一  
福壽也者必福壽而追念之不衰則幸在京國示其重為  
式廬表墓之勸耳彼福壽才猶在余安慶李江州下奉詔  
討張士誠不即進群盜蝟起不即滅藉一死炳然天壤間

人柰何不自勵也

庚戌四川叙州山盜作亂討平之 改將作司為營繕所

四月壬子朔涼國公藍玉追逃寇祁者遜遂征西番空東入聯  
癸丑建昌故降將月魯帖木兒叛


丁卯申肅朝儀

辛未藍玉分置甘州左右中三衛

左春坊大學士董倫為河南布政使司右叅議

丙子皇太子薨年三十九 上痛哭命禮部議喪禮 上服

齋衰十二日祭畢釋廷臣入臨文華殿三日詣春和門會哭



日素服奉慰


陳懿典曰自三代而降所以教太子者未有如高皇帝者也隨事隨地必稱述民間之疾苦興創之艱難以身為矩範至以大臣領東宮官又超軼千古遠甚太子仁心為質奉教惟謹然天命有在竟不克長世嗣統高皇帝之洞識天人詎有不知此廢彼興而立法垂後示萬世則夫太子于四月薨至九月即立建文為皇太孫嗚呼令人難言之矣

設遷曰自古帝王之事不有所<sup>廢</sup>其何所興懿文之早世

夫固所以靖難者也彼夫孝友仁慈之道原出天性周成漢惠將駕而三之年之弗永其年以免玄武門之血懿文幸矣然遺其憂于皇太孫天未厭亂而竟罹此疾威不可惜哉

戊寅上御東閣門召群臣諭之曰朕老矣太子不幸命也因大哭

設遷曰上御門時稱國有長君社稷之福燕王類朕朕意欲立之諸卿以為何如翰林學士劉三吾奏曰將置秦晉二王于何地上不及答因大哭國史雖如此而永樂



所裁定未遂確也 上動曲中安有越秦晉二王私樹  
燕邸此孤竹君趙主父之覆轍謂 高皇帝出諸口乎在  
文皇帝未免借其說籠靖難諸人又曲筆張大之似非所  
以安 高皇帝也


印州蠻叛

詔都督聶緯為總兵官都督徐司馬四川都指揮使瞿能為  
左右副使討月魯帖木兒蓋藍州遠近在甘肅也俟玉至皆  
受節制

五月辛巳朔招諭河州諸蕃族以茶易馬皆降之

藍玉兵至罕東欲縱兵深入將佐多言西下負也固久卒聞  
大軍深入必鳥獸散莫若遣將招諭宣 上威德令彼獻馬  
因撫其部落全師而歸揚威示德在此舉矣玉不從遣都督  
宋晟等率兵徇阿真川土酋哈魯等皆遁去又襲祁者孫弗  
及既命封月魯帖木兒又欲深入番地取道松疊以達建昌  
會霖雨積旬河水泛急玉悉驅將士渡河麾下知非 上意  
相率道亡玉乃不得已由隴右抵建昌

壬辰寧夏衛副千戶何忠為指揮僉事初忠坐事奪官詣闕  
自理 上曰爾萬戶何勝孫乎曰然 上曰勝克滌和有功



子震從渡江俱戰死朕甚念之故有是命

高麗入貢上表謝賜禮物時李成桂廢王瑤自篡其國

六月癸丑置建昌蘇州衛二會川千戶所

戊午封右軍都督僉事俞通淵越雋侯世祿二千五百石以  
征蠻功

己未藍玉至建書昌

丁卯西平侯沐英卒英字文英定遠人幼孤上子畜之同

東宮食起年十八授帳前都尉守京口有功以征番部川藏

封鎮雲南威惠大著聞東宮變哭嘔血一日卒年四十八滇

人莫不流涕追封黔寧王謚昭靖侑享太廟還葬于江寧之

長泰鄉

王世貞曰人言黔寧王為高皇帝外婦子非也高皇

帝長于英十五年當英之生高皇帝方寡孤安從取外哉遇


英以慎靜饒兵略為天子箠露藍縷以開滇土晟武則不

兢而德繼之世保赤社為明藩屏夫豈一朝夕之所致哉

袁表曰予嘗聞黔寧王善用兵能以少擊衆方其蹋崑崙

踰流沙焚穹廬雖衛霍不過也遂殲梁王定雲南作鎮十

年數平蠻夷撫卒禮賢者政令寬簡西南屢寧子孫世



封奄宅滇土匹休中山盛矣哉

何喬遠曰岐陽黔寧二王 高皇高帝肺腑岐陽好文今

其子孫皆文予嘗見岐陽像髭鬚之外口角四復有微鬚

人言黔寧 高皇帝外婦子也 帝長黔寧十七歲時方

貧困外遇人豈其然與

戊辰議時享禮時有東宮之喪禮部右侍郎張智與翰林學

士劉三吾等攷宋會要王制三年不祭惟祭天地社稷蓋不

可以卑廢尊也真宗居喪易日而服除明年遂享太廟合祀

天地服衮冕其鹵簿儀仗車輅登歌鼓吹並如常儀宰臣畢

士安請設樂不作今大祀宜如宋惟太廟樂備而不作從之

癸酉勅總兵官涼國公藍玉曰都指揮使瞿能討賊失機許

自贖月魯帖木兒詭詐萬狀遽信其降欲兵縱敵非愚而何

其謀主楊把事及達二千戶二人宜即捕之月魯帖木兒多


子如出質收撫之以擒月魯帖木兒毋惑

七月庚辰朔秦王 檄還國

上御右順門諭侍臣曰治有緩急治亂民不可急 則益亂

撫治民不可擾 則不治

癸未四川都指揮使瞿能討月魯帖木兒破雙狼寨賊遁進



托洛等寨復遁累勝至打冲河大敗之俘五百餘人溺千餘人賊又遁因窮搜先後俘殺千八百餘人月魯帖木兒走柏興州

普定侯陳桓脩陝西連雲棧道入四川都督王誠治貴州險阻開道

己丑貴州苗寨悉平

壬辰竇正為都督僉事鎮守雲南馮誠何福等副之

戊戌雲南土官王春作亂討降之

丁未改詹事院為府起致仕兵部尚書唐鐸兼詹事左通政

祝春右僉都御史李文吉為少詹事

己酉命商人支鹽入海者勿禁

勅刑部榜諭天下學校時各儒學教諭訓導考滿入京上

召問民間所苦尚嵐州學正吳從權山陰教諭張恒皆對曰


不知也而非職事以上曰學官即勤教豈有不與人接者朔

望節暇民務當及之學期用世君問不答何所用也其竄之

極邊

遷江浦縣于江北新口

八月庚戌朔都察院右都御史袁泰卒泰萬泉人洪武辛亥進



士授鄆縣丞張羅山超右僉都御史才辨明于法律有能名  
廉直執法在臺嚴其屬諸御史不能堪至被訐不問雖頗劾  
深刻然奸吏不能肆也

已未江夏侯周德興以帷簿不修伏誅


設遷曰周江夏以帷簿之嫌此豈死道哉刑書所坐或別  
有微旨事未易一二為衆人言也

庚申葬皇太子于孝陵之左謚曰懿文  
總兵官都指揮使司周興出塞敗于徹兒山擒五百餘人  
及畜產符印悉送京師釋卯罕阿魯溫沙二人令賫榜北還

大諭

丙寅國子生監立射圃賜諸生弓矢

丁卯諭馮勝傅友德等曰屯田守邊今之良法然寓兵于農  
亦古制也與其養兵困民曷若使民力耕自守爾等宜集山  
西守令父老諭之于是開國公常昇定遠侯王弼全寧侯孫  
恪鳳翔侯張龍永平侯謝成江陰侯吳高會寧侯張溫宣寧  
侯曹泰徽先伯桑敬都督陳俊蔣義李勝馮鑑往平陽安慶  
侯仇正懷遠侯曹興安陸侯吳傑西涼侯濮瑛都督孫彥謝  
熊袁洪商嵩徐禮劉德指揮李茂之往山西太原簡民戶四





丁以下籍其一為軍復其家分大同等衛屯田守禦

戊辰平富州蠻寇

建宗人府五府六部太常司官署列朝門外東西向惟三法

司仍太平門外

甲戌仍歲給公侯祿歸舊賜田于官

丙子靖寧侯合肥葉昇前交通胡惟庸伏誅

是月頒醒貪簡要錄于內外諸司蓋具百官歲俸計田穀人

牛若干

九月辛巳戶部左侍郎陳宗禮大理寺丞曹瑾罪當杖降官命

免杖工部辦事

戊子左軍都督府經歷唐奉先干請通政司葉獻刑部以聞

罪當杖 上念其進士免罪紀其過

右僉都史凌漢為左春坊左贊善

鑄各按察分司印四十有八

召太常寺卿許昇問祭禮不能對典簿劉仲實從旁代對甚


詳 上責昇曰國之大事而昏惰不恭降刑部主事進仲實


太常寺卿 史堅劉質

庚寅立皇太孫允炆 懿文太子之次子

國權 洪武二十五年

十一





高麗知密直司趙胖等言權國事王瑤昏縱不道今七月十一日恭愍王妃安氏廢之宗姬無其人推立門下侍中李成桂主國事 上令禮部檄聽之

工部尚書秦達有罪自殺

乙巳分監生往各布政司考校諸司案牘

戊申疏深陽銀塹墅東壩河

左軍都督僉事王珪卒

除方孝儒漢中教授孝儒徵至 上曰今非用孝儒之時

談遷曰 高皇帝進賢如不及朝褐午組卯耒長綬至不

愛高爵以籠才敏學行之士其于孝儒非今所用則用之

更何日也宋藝祖留張齊賢于太宗意或類之而拘學泥

古殆灼乎若觀火矣

十月己酉朔申諭較試軍士之令

辛酉脩築陽城河防

癸亥上度地自牛首山接方山傍河淮為上林苑以妨民

罷之


己巳故西平侯沐英追封黔寧王謚昭靖

沐春嗣西平侯鎮雲南召還甯正等

訪精諳歷數之士

國子生山東周敬心上言國祚長短在德厚薄不在歷數三代尚矣三代而下德澤最厚莫如漢唐宋國祚最短莫如秦隋五代如漢高之寬仁繼以文景昭宣光武之廓大繼以明章唐太宗之仁義繼以肅憲宋太祖之誠愛繼以真仁是以有道長也始皇之酷虐煬帝之苛暴五代之窮凶是以無道短也由此觀之皆係人事不在歷數 陛下以仁武之資膺天眷命掃滅胡夷救亂誅暴厥功偉矣然神武過漢不及其寬大賢文過唐宋不及其忠厚是以御宇以來政教行而民


不悅法度嚴而民不服 陛下若效兩漢之寬大唐宋之忠厚講三代所以有道之長則帝王之祚可傳萬世何必問諸孤方小拔之人耶臣又聞 陛下連年遠征北方沙漠臣民萬口一詞如為耻不得傳國璽欲取之耳臣不知璽何始哉聞楚平王時琢以卞和之玉秦始皇琢之名曰御璽自是以來歷代帝王珍如執券不得則若有所遺然戰國時趙先得璽其國不守五代得璽不旋踵亡臣又聞莊宗滅梁取蜀璽併歸于唐及晉石敬瑭反潞王從珂攜傳國寶登樓自焚則秦璽雖在固已燬矣敬瑭入洛更以玉為之契丹滅晉重貴



獻之詰其非真言乃止女貞之亂遼王延禧遺傳國寶于  
桑乾河元世祖時有札刺爾者漁而得之今元人所挾石氏  
璽耳昔者三代不知有璽仁為之璽故曰聖人大寶曰位何  
以守位曰仁今 陛下國則願富兵則願強城池則願高深  
宮室則願華麗土地人民則願廣衆征伐兵革歲無虛日此  
忽三代之大璽而求漢唐宋之小璽也臣聞自古不妄殺人  
者能一天下秦隋元魏好殺不已迨其後世至于滅絕東海  
俟殺孝婦一人海枯三歲人事天應不可不謹洪武四年錄  
天下官吏十三年連坐胡黨十九年起天下積年民害二十

三年大謬京民妄言罪人不分臧否一槩誅戮其中豈無忠  
臣烈士善人君子于茲見 陛下之薄德而任刑矣水旱連  
年豐稔不臻夫豈無故臣又聞明主賞不僭而刑不濫刑既  
濫矣賞復無節天下老人非功非德人賜鈔五錠出征軍官  
高位厚祿平寇禦侮固其職事而賞賜無盡厚斂窮民不嚴  
馭幸于無功此亦明主之所宜禁者也 上大是之  
何喬遠曰書不云乎傳言庶人謗何稱訟乎一士諤、不  
諱英嚴之朝可以知時政焉

十一月戊寅朔置海寧萊州大小總寨備倭



庚寅景川曹震奏四川鹽課鹽商糧儲建衛軍器五事 上  
並從之

翰林院編修唐震卒于泗州特遣往祭歸喪京師

丙戌翰林脩撰任亨泰為少詹事兼脩撰杜澤楚樟為詹事  
府丞先是左通政祝春為少詹事


甲午總兵官涼國公藍玉進次柏興州遣百戶毛海誘致月  
魯帖木兒并其子胖伯遂降其眾送京師伏誅玉因奏四川  
控扼西番蠻夷梗化由其山險地曠備禦寡疎宜增置屯衛  
籍民為軍守之又請移兵討長河西朶甘百夷 上報設諸

衛毋籍兵籍兵困邊民久在外毋重勞之朶甘百夷之行  
非四十萬眾不可爾其還師蓋 上其用兵以來無不慎重  
又徐常在軍惟 上所命未有請移師往攻者玉征西番罕  
東已非 上意更無所得 復請移京兵攻朶甘宜 上之  
難之也

置貴州宣慰司儒學

癸卯少詹事李文吉仍為右僉都御史

是月定中外文武官品階勲祿之制陰陽醫學僧道各官不  
給祿



十二月丁未朔勅宋國公馮勝穎國公傅友德備邊

改製鈔券賜諸功臣

丙辰宥安陸知州余彥誠因征稅愆期當逮邑人詣闕訴其  
愛民緩征也

安慶府知事周昌請寬宥小過從之

籍廣東海島居人為兵

乙丑都督僉事楊春討平靖州蠻

庚午雲南布政司右叅議當塗范祖為左叅議范常之子戶

部郎中雲南楊大用為右叅議

壬申宋國公馮勝及諸侯伯還朝

甲戌宋國公馮勝穎國公傅友德兼太子太師曹國公李景

隆涼國公藍玉兼太子太傅開國公常昇全寧侯孫恪兼太

子太保詹徽為太子太保兼兵部尚書任亨泰為少詹事兼


翰林院脩撰杜澤楚樟為詹事府丞各給兼俸

丙子五官諭各教都指揮使上兵餉之數及圖關隘衝要山

川險易道里遠近以聞

閏十二月乙酉高麗李成桂請更國號其上以朝鮮名賜之

辛卯定巡檢考課之法



壬辰戶部尚書趙勉有罪入獄

廖道南曰勉受高皇帝之知觀其招詔諭諸篇惓惓以恤民節財為意視文景免租軫惻郡國者何懇復也勉亦不克終豈君臣相遇自古為難哉

甲午翰林學士劉三吾以趙勉婦翁自訴失教免其官


命僧錄司造周知冊頒天下京師百福寺有因徒逃卒冒僧

游食于是造冊盡編地居止年月及度牒字號

戊戌宋國公馮勝穎國公傅友德往山西河南練士

甲辰趙勉伏誅

刑部尚書楊靖鞠一武臣門卒檢其身得一大珠靖曰偽物也椎碎之而以聞上嘆其四善得奇物不獻一也其珠必有所受轉詰且起大獄碎不問二也門卒無加嘉獎杜小人之倖端三也敏才應卒四也  
宥死囚輸粟于邊凡四百四十八人  
定按察使僉事坐長史之上  
是年琉球入貢遣子及國相子入太學



國權

大野吉古火喉曹益奔父身獎茲殊  
鹽官設遷孺木著

癸酉洪武二十六年

正月丁未朔冊諸妃生子者

免天下耆民入朝

置四川越雋衛

勅周王晉王發屬衛官軍築城屯田于塞北

辛亥中軍都督僉事徐司馬卒司馬揚州人幼孤為 上養


子長從軍有功好文學謙恭惠愛善拊士民自少富貴家無

國權

洪武二十六年

一

國家圖書館, NATIONAL CENTRAL LIBRARY, TAIWAN, R.O.C.





餘貨時人賢之

癸丑定雲南烏撒中益則例

乙卯起致仕兵部尚書唐鐸兼太子賓客

丁巳置廣寧七衛

癸亥肅王模遼王植慶王榘寧王權之國初肅王都甘州遼

王都廣寧慶王都寧夏寧王都大寧至是惟寧王就國餘侯

完師集餉馳肅王平涼遼王大寧河北慶王常州城

大理寺右少卿曹銘奔父喪葬訖起復

置建昌白黑二益課司

頒大成樂器于天下儒學

會同縣山盜王漢等平

重定諸王公主婚禮

辛未刑部尚書楊靖兼太子賓客

二月丙子朔命晉王總馮勝傅友德等兵出塞代王亦率護衛

出塞受晉王節制勝友德及開國公常昇定遠侯王弼全寧

侯孫恪等還京


長興侯耿炳文入朝三月復往陝西

辛巳置大同陽和天城懷安萬全左右東勝左右宣府左右

國權

洪武二十六年

二




鎮朔定邊玉林雲川鎮 宣德等衛皆城守

頒西番金銅金信符

乙酉太子太傅涼國公藍玉謀大逆族誅玉定遠人以常遇春婦弟勇敢善戰所向有功既穹貴狼懷不學在軍中擅升拔將校黥刺將士家畜莊奴假子數百人出入乘勢漁獵嘗占東昌民田民訟之御史御史按問玉捶逐之其先征北還時匿馳馬珠珍亡筭夜度喜蜂閔吏不即納玉毀閔而入上聞不悅及切責其私元妃事漫不省侍坐待宴動止輕傲至是還以為太傅玉攘袂後言曰吾故當為太師玉時奏事

上不之從退曰疑我矣將收集其舊部將及諸士卒家奴伏甲為變錦衣指揮蔣瓛以聞廷鞫命皇太孫及吏部尚書詹徽錄玉玉挺不服徽叱曰速吐實毋徒株連人玉大呼徽即臣黨皇太孫曰有是哉粹徽下獄具磔玉于市鶴慶侯臨淮張翼普定侯陳桓景川侯鳳陽曹震南雄侯趙庸軸驢侯朱壽會寧侯張溫瀋陽侯察罕東莞伯東莞何榮都督指揮黃銘蕭用馬俊吏部尚書詹徽禮部侍郎傅友文等凡諸功臣文武大吏以至偏裨將士坐黨論死者可二萬人其知名之士若南海孫賁長洲王行皆在誅中賁嘗為藍玉題畫非其





南雄侯趙庸軸轡侯朱壽伏誅

黃金曰庸與仲中初馬揚路揚鑣既而監兄之覆轍範我  
馳驅卒以致遠西擊秦關北衝燕塞無不如志感吳踣漢  
如出一軌其功業當與傅穎公廖德慶並驅而爭先若餘  
將瑣者當之則駕攀驥乘十駕莫及庸之稽其然而徒  
從人妄議其所終不几于侏儒觀場者乎是故與功者不  
狗名論人者如考實

丙申瓜哇國入貢

國子生魏照坐累罰為吏上言乞改過秋試許之

辛酉 科事中梁煥署吏部事

西番僧貢龍馬

三月戊申緬國入貢

定救日禮


辛亥代王率護衛出塞聽晉王節制

乙卯勅燕王曰有告指揮乃兒不花有逆謀者人言夷狄畏  
威不懷德果然可遣人防送至京胡人反側背恩不可無備  
爾護衛士卒遇出獵必選數千騎披堅執銳訓練使習則臨  
陣不怯宋國公勝弟已召還當諭諸將之防禦之策舊防胡

國權

洪武二十六年

五



兵非出征不可輕縱恐盜馬潛遁陰泄事機若欲用禦敵常參錯之

駙馬都尉王寧掌後軍都督府事

丙辰宋國公馮勝穎國公傅友德往北平受燕王節制

戊午太白星經天傳諭晉王燕王及諸將巡邏塞外候來歲築城

庚申諭晉王燕王各統所轄軍馬其大賞罰以聞小即從宜處分

西安右衛併于西安中護衛

會寧侯張溫都督蕭用等以黨誅

癸亥都春平蠻召還京

甲子駙馬都尉李堅掌前府都督事


庚午諸司職掌成

雲南左布政使張統考滿來朝宴賚復其任

晉王請于下水築城諭止之

甲戌秦州衛改西安右護衛

是月頒稽制錄于功臣蓋考漢唐宋功臣食邑多寡及名號虛實等第使朝夕省覽



四月乙亥朔孝感人言民饑乞貸預備倉糧萬一千石即命行

以驛給因諭天下有司自今歲饑先貸後聞

已卯福建鎮海衛千戶黎旻巡海遇寇先遁陷百戶韓觀公

四十人旻伏誅

壬午誅潘陽侯察罕

誅叛<sub>下</sub>阿魯帖木兒

壬辰滑縣訓導宋復祖為國子司業

宋訥次子

丙申以安南廢王命廣西都指揮使司絕其使

山東齊東知縣鄭旻考滿來朝宴賜復職

五月乙巳朔定庶子侯長擇賢者襲職

乙卯陝西人當戍邊婦道病其弟代之御史以責弟并監行

者上義之賜其贖

詔功臣墳塋墓具皆自營備戰沒者官給之

乙丑道士請給度牒審皆逃民發錦衣習匠


定學宮殿最視貢舉多寡為差

戊辰趙駕侯俞通淵有罪削爵

越

六月乙亥朔左春坊左贊善凌漢復為左僉都御史尋致仕

乙丑免武定侯郭英合輸糧稅仍撥賜佃戶



遼東報朝鮮招誘女直五百餘人潛渡鴨綠江 上勅戒之  
都督馬俊以黨誅

申明錦衣衛鞠刑之禁逮者俱屬法司

乙未監察御史陳繼先卒繼先泰和人乙丑進士歷按山西  
福建善章奏時稱陳古文而不名

丁酉徐增壽為左軍都督僉事李增枝為右軍都督僉事沐  
晟為後軍都督僉事

左春坊大學士董倫為河南布政司大叅議趙州吏目諸葛  
伯衡為陝西右政使右叅議伯衡蘭溪人洪武初薦辟倫轉

河南即薦之


宣寧侯曹泰卒

戊戌戶部 侍郎郁新工部 侍郎嚴震直並為尚書

開卜筮禁

辛丑勅曰朕考前代勲臣受封皆受虛號祿食給繒帛而已  
我朝賜以腴膏土田待有功不薄尚有不知分限以速戾者  
業頒稽制錄而教爾禮部尚將公侯食祿及服舍器用等級  
著為定式申服保全之意

壬寅重定朝賀傳制等東宮朝儀



召諸王入朝

置鹽井衛

七月甲辰朔日食

丙午罷各布政使寶泉局京師如故

戊申送秀才張宗濬等侍皇太孫日隨春坊官各直文華殿

進說民隱開陳古今文德才藝諸事

辛亥為遼東嚴備朝鮮

定武職參隨人數

癸丑耿濬為前軍都督僉事 耿炳文之子

辛酉欽天監副李德秀言故元至元辛巳為歷元用消長

每十年長一日百年消一日今監正元統作洪武甲子歷元

不用消長法攷春秋歷晉獻公十五年戊寅去至元辛巳已

二千一百六十三年推辛巳歷元冬至在甲寅日夜三刻洪

武甲子推歷元冬至在己未日午三刻較辛巳差四日六時

五刻宜用至元法元統疏辨其不爽 今上念驗七政交會行

度無差可也


乙丑復賜故東川侯胡海田前以罪收至是子觀尚主故

戊辰廣東樂昌盜起

國權

洪武二十六年

九





民間一產二子者行人賜鈔十錠米五石其子分養月給米五斗三年止著為令

辛未遣官祭廬山周顛仙立御製碑


設遷曰國初如鈇冠道人張中如顛仙于國家無毫髮之益自蒙宸眷令人猶豔稱之不置神道設教上欲以祛天下之惑然其惑也深矣

普定土人作亂討平之

八月庚辰命吏部今後除官即與實授勿試職儒學訓導始冠帶是月崇山侯李新開溧水臘脂河通兩江輓漕

赦胡藍餘黨

朱國楨曰功臣自杞公陳德外多坐胡藍二黨或即死或已死得猶有謬其家奪其襲封者大抵抵揚跋扈自武人當事難以為非黨以為無謀太祖諄々告誡未必即從熟窺情狀先是誅夷寧過無不及前後坐者至三萬餘人當時已難分別何況二百年後得以意懸斷乎惟陸仲亨胡美曹震趙庸附胡藍之後其鶴慶侯張翼普定侯陳桓會寧侯張溫已不可攷餘皆入功臣傳中以為枉則聖人不宜大忍以為當則疑似之間為身後慮何所不至蓋曹



公事已有確據宋穎二公亦太倉卒故朱亮祖詰而不服  
即藍玉面叱詹徽：非反者雷霆之下何所不靡為聖人  
生即為聖人死乘化往來其亦何憾之有

乙未復興國州

庚子太白晝見

九月戊申復劉三吾翰林學士

已酉道州蠻作亂討平之

丙辰宥工部尚書嚴震直弟侄罪其鄉人詐弟侄不法即命  
震直接之獄上不欺故併釋

丁巳河南按察司僉事王平行部孟津宜陽屬吏斂賄械其  
人以聞 上勅勞之賜鈔百錠文綺襲衣

甲子鄭濟為左春坊左庶子王勳為右春坊右庶子初舉東  
宮官屬工部尚書請召浦江鄭氏王氏子弟詣闕推釋之

賜京師寺田


朝鮮謝罪入貢

嚴從簡曰隋煬帝以征高麗而亡國唐太宗以伐高麗而  
致悔凡以好大喜功不恤民命之為累耳我 聖祖之于  
李旦忍其詐侮或擯絕之或切責之諄々然以口舌代戈

國權

洪武二十六年

上



予豈其力有不足哉亦慮師旅一興肝腦塗地故也不惟示包荒之量實寓好生之仁卒致內寧外威而朝鮮賓服迄今宴然為我四輔不可以觀聖祖宏遠之畧也哉

十月丙子擢兵部吏崔士先為戶部主事

定諸王來朝及還國祭祀禮

丙戌宥朝鮮海寇罪

己丑裁中都國子監并入國學

壬辰監生二百四十一人餘教諭等官

丙申監生劉正等六十餘人擢左布政等官

更給天下工匠輪班勘合

將校有罪削爵聽征者悉復官

十一月壬寅朔雲貴蠻悉平

立鑾駕庫 是月永鑿錄成賜諸王 歷代宗室諸王惡逆者


脩漢中棧道

討廣東東莞縣亂民

山東霑化縣典史杜護坐事當罪縣民訟其廉幹復之

詔朝鮮人止隔河互市毋許入境

戊午太陰犯鬼宿



十二月壬申朔工部尚書嚴震直降監察御史

其時天下學官入覲咸侍朝稿文備顧問獨泰州訓導門克新敷奏亮直紹興教授王俊華文詞優美擢克新左贊善俊華右贊善上召論曰所以左克新右俊華者重直言也

世臣總錄成輯歷代人臣為勸懲頌群臣

癸酉皇子楠生

罷越嵩商人中鹽

十丙戌禁軍民命名不得用三公以下官稱

國權

鹽官設遷孺木著

甲戌洪武二十七年

正月乙巳命都察院戒飭天下按察司官

丁未復置平陽二鈇冶

蠻寇建昌擊敗之

辛亥中都國子司業寧德周斌為齊府左長史


甲寅禁用番香番貨

歸併天下僧寺道觀

國權

洪武二十七年

一



信國公湯和有疾 上念之召入朝尋遣還

辛酉 上退朝顧翰林學士劉三吾曰朕歷年久而益懼者恐懈也日慎一日效尚未臻甚矣難治夫愛民之心不實則民不蒙澤民不蒙澤則衆離怨積朕嘗懼焉

曹國公李景隆為平羌將軍鎮甘肅

都督宋晟劉真率兵備邊

丙寅置各省布政按察司及各府照磨檢校官不署案不分

遣 是月選江北良家女俟太孫婚

戊辰道州蠻作亂官軍討平之

立雞鳴山漢壽亭侯廟

二月辛未朔重定優給例

遣都督劉德高嵩巡海上練兵備倭

停朝鮮給歷 罷外官公宴


丁未增遞運驛夫糧額

辛卯山西繁峙知縣劉英坐事被逮者民詣闕乞貸釋之給

道里費遣還

勅都督府再詰朝鮮

免各處荒蕪田租



三月庚子朔策貢士彭泰等百人于奉天殿賜張信景清戴德

彛等進士及第出身有差

辛丑 上謂侍臣曰人主聰明不可使壅蔽壅蔽則天下之事不達矣翰林學士劉三吾曰惟博採衆論任用賢能則視聽廣而聰明大

癸卯河南按察僉事王平為左僉都御史

魏國公徐輝祖安陸侯吳傑訓練沿海軍士

起太子賓客兵部尚書唐鐸為太子少保 是月城東勝州

丙午進士張信為翰林脩撰


丁未令武官襲職者年二十例比試訕則給俸三年再試又訕謫戍著為令

上謂侍臣曰毀譽之言不可不辨也問君子于小人小人未必能知鮮不為所毀問小人于小人朋黨阿私譽必衆矣人主能知毀中之賢則誣謗可息知譽中之不肖則偏黨可絕  
庚戌命天下種桑棗 定行人司品秩皆用進士出身

甲寅韓王松潘王模年幼命省秦晉燕周齊五王

鎮安府土官輸糧每石折一金 申禁胡俗嫁娶

癸亥有儒士初授知縣陸辭 上曰試言蒞民何先曰先教



化曰教化何先對曰獎勸之上曰先身焉故曰以身教者從以言教者詘

命工部天下大定取甲兵農藏之

四月庚午朔戊寅罷司牧局

庚辰下乾州立唐渾瑊祠更定番國來朝入貢之禮

壬午嚴越詐之禁命民間高年老人理其鄉之訟事

癸未上謂太子少保唐鐸曰帝王體天道順人心則國家之

基業自久朕思前代亂亡之故未有不由于違天而逆人卿

久事朕資弼良多朕有勿逮卿即言之限

丙戌徵儒臣定正宋儒蔡氏書傳

己丑曲阜知縣孔希文坐貢舉不當宥之

五月辛丑免祁陽孝子郝安童軍役安童當補伍定遠詣闕言

母姑繫養上閔而復之


壬寅前軍都督僉事馬鑑卒

左都督楊文鎮守太倉

甲寅安南自廣東入貢卻之以無表不誠

辛酉禮部議開詔勞軍賞賜祭祀賑濟徵賢點閱使夷俱遣

行人如特遣不拘例



癸亥少詹事兼翰林脩撰任亨泰為禮部尚書

六月癸酉 上語侍臣曰昔楚莊王謀事而當群臣莫能速朝而有憂色魏武侯謀事而當群臣莫能速朝而有喜色一喜一憂得失判焉喜則志滿憂則志下故楚平霸而魏日以衰人君遜志納善而臣以道事之則無不濟矣

戊寅興遼東各衛屯田

廣西全州及灌陽徭民亂擊破之

七月戊戌朔更定親王婚禮

甲寅旌涑水孝子李德成及節婦高氏擢德成光祿寺署丞

歷尚寶司丞

八月甲戌安陸侯吳傑永寧侯張銓往廣東備倭


乙丑遣國子生及人才分詣各郡縣脩治水利

階文二州千戶張者叛左都督甯正討之

禁用錢專通鈔法

庚寅京都酒樓成時江東諸門作樓十四娛臣民賜文武百官鈔千醉酒樓

丙寅申禮部主事蓋霖坐事下獄其父上書願以次子從軍求贖釋之





九月戊戌朔浙江右布政使楊允恭參政羅鍾李文華湖州知府王楨俱事逮非貪墨宥之復官歸安縣丞高彬亦連坐者民訴其公廉即釋

山東日照縣人江伯兒殺三歲子襁母疾上聞而怒之杖成海南因命禮部定旌孝例如割股卧冰者不與

丙午撒馬兒罕國王駙馬帖木兒入貢

置四川行都司于建昌衛

已酉錦衣衛卒誣告樂清人逮至得其枉誅衛卒

定正蔡氏書傳成時致仕翰林編修張美和國子博士錢宰

助教觀觀教授高讓學正王子謙教諭張士諤俞友仁何源

銘傅子裕周惟善訓導裴周寬趙信洪初萬鈞王賓謝方

吳子恭博士解震生熊釗揭軌蕭尚仁王允昇張文翰張思

哲宋麟翰林學士劉三吾總馬自洪武初黑氣凝于奎璧是


春氣銷為興文之象書上賜曰馬書傳會選

生負廩生十年學不進者罰為吏

庚申寰宇通衢書成天下道里從一萬九百里衡一萬一千

七百五十里四夷之驛不與焉

丙辰遼東屯年十年始收租



停岷王宮室

十月丁卯朔鑄六尚局印

辛巳翰林院詹事府成賜宴落之一萬六百里

壬午令武官子弟自十五歲入郡縣學讀書學禮

十一月丁酉朝鮮貢馬謝罪

潞州知州劉士源沐陽知縣周質衡山主簿紀惟正被逮得

直進質士源叅政惟正

辛亥土官襲職免比試

癸亥勅盱眙知縣方素易曰爾蒞政三年內艱去官民勿忍

舍詣闕留任何以致之特遣使齎鈔二百錠衣服被各一襲

靴鞮各一對用旌爾能爾惟懋哉素易入謝賜宴禮部許歸

葬而後復官

越州土酋阿資復叛西平侯沐春等討破之


乙丑太子太師穎國公傅友德自殺友德先宿州人後徙碭

山縣初從青衣李善之李敗歸明玉珍不用歸漢自九江降

驍勇絕人累立大功以藍玉誅內懼定遠侯王弼謂上春

秋高行旦夕盡我輩宜自圖上聞之會冬宴徹饌未盡


上責友德不敬且曰召爾二子來友德出衛士傳語以首入



頃之友德提二首至 上驚曰何忍也友德出匕首袖中曰  
不過欲吾父子頭耳遂自刎 上怒分徙其家屬于遼東雲  
南友德兄友仁冠帶總旗亡子友德子忠駙馬都尉次子春  
過繼友仁生謨又絕保人保州知州閏之次子總謨世總旗  
王世貞曰友德之顯以敢力戰也然十矢身冒百死而無  
一足稱及其遇真主虎變龍從刃不虛下策不虛畫以至  
列通侯爵上公嗚呼哀天哉當時持重善將無中山王  
至啗鳴跳盪獨開平王而友德差次之稱二虎將開平死  
大封之後友德始益展而有方面勲取巴蜀定滇笮其燁

燁蓋庶几中山矣

袁表曰明興猛將雲從數倍雲臺而六王最著其以驍勇  
稱者莫如常開平次則傅穎國耳觀其下蜀掃滇踰險隘  
涉荒遠席捲颺馳辟之良駿超軼絕塵而造父為御奮迅  
騰驤一日千里其用兵方略悉稟廟筭是豈泛駕者哉  
朱國禎曰穎公有宋公之功而無其過乃三數月中相繼  
暴卒并停襲封若曰 高皇帝末年疑忌殺侈則防其父  
可耳何以廢其子世聞奇偉人遭此氣運功成身死或兵  
或縊不妨明言以著聖人之失而寂然不著本末謂有所




與諱畏則韓涼二公不啻詳言謂可略不必細書則一代  
大功臣生死之際豈宜草草此秉筆諸公不得辭責而尚  
論者動曰寬仁大度曰愛惜功臣此只可論本心不可論  
作用 聖祖如青天白日其心天心也其威天威也欲殺  
便殺之不當亦多自悔至于文人何事曲為之詞獨惜  
公之沉寃進不得聲于廟廊退不得詳于典籍雲南一祠  
殊覺荒寂至今山西陝西浙江福建之間傅氏皆引為遠  
祖理有之未可盡以為妄也

傅友德季子添錫遭亂幼相失游錢塘補諸生說方原明以

杭州降授明州訓導縛奸僧機先通倭者進大名知府七日  
值元孽犯境而逃安置雲南之永平明年除大理衛知事未  
几普安賊叛死之藁葬驛後添錫子寬子瑄子澄子子  
教諭江安江安子良弼工科給事中正德十六年詔立添錫  
祠于大理

馮時可曰金元以來侏馱魁編斥我宇內矣微管之歎孰  
無是念然祿利之路人情胡能自裁以吳許之理窟猶然  
刺促腐鼠而公獨掉然高蹈其個儻殆魯連儔也厥初草  
昧獲鹿茫然而早窺隆準振策從龍即叔皮高識又何踰



馬至若倉皇被執脫死僅毫釐耳而從容數語狂獫格天  
遂令王師功收不戰偉哉普安之役馬草裹屍一何壯也  
其人没而千載如生矣

詔刊韻會定正

郭正域曰韻者六書中諧聲之學也先王之世書既同文  
而又巡行方岳考律同度典樂之官依永和聲同文則無  
異字和聲則無異音三代而下俗字日增而方各異近禮  
部惟宗唐韻而今所傳類即唐禮部韻也故唐詩宗之韻  
我明文章家以古文韻為騷選中州韻為詞典曲古韻有


叶有轉中州韻以入為平近體韻不可入古韻不可入  
絃管而詞韻不可入詩何多端也蓋支流愈多而聲音愈  
不可調矣古人譏柳子厚輩皆讀書不識字今以韻學觀  
之奚以異是


十二月丙寅朔置寧夏群牧千戶所

辛未鑿廣西鬱林州北流南河二江

甲戌申定皇城門禁

定遠侯王弼自殺弼定遠人鳩義兵附人義雙刀累功封至  
是爵除





漢中同知柴庸以事下獄其僚屬言庸廉介特宥之復其官

癸巳貴州蠻叛討平之

雲南臨安府致仕蒙古世家寶卒元集賢院學士守膠萊降

辛卯耿璿為宗人府儀賓尚皇孫女江都郡主懿文太子長女

賈哈刺寇鹽井指揮僉事陳進死之

令民團社互耕種

國權

鹽官設遷孺木著

洪武二十八年乙亥

正月庚子置四川鹽井陘西都司等衛儒學

捕廣東海寇

左都督僉事平階州文州叛寇復從秦王征洮州岷州寧正

諸戎

辛亥上命周王發屬衛下官軍三萬四千餘人屯田築城

于塞外

壬子置皇城四門倉糧給守卒

甲寅命晉王發晉王官軍二萬六千四百餘人屯築塞北

甲子命燕王發屬衛步卒萬人騎七千同都指揮周興右軍

都督僉事宋晟劉真往三萬等衛勦捕野人女直

西平侯沐春討阿資擒斬之初阿資據龍窩諸將失利無議

兵者春曰彼恃其地險且各土首俱姻婭耳若廣調土首從

征俾不相通行授首矣乃進兵赤窩獲之誅同惡百四十一人

先是福建右叅政王純招諭麓川平緬二宣撫司不受贖

二月丁卯太子太師宋國公馮勝自殺勝初名國勝又名宗異

定遠人好儒書同兄國用諳上俱備宿衛國用早世勝饒

智略勇悍善戰累功封上既春秋高多所猜忌勝又時失

上意勝家居僮僕倚勢橫欄稅輜重乘載勝獲稻打場瘞劄

場下碾碌礮其上取其有鞞鞞聲出入騎善馬邑有樊父善


為瘳國用妻家也勝一日為酒召樊父盛陳其金銀器盃與

樊父戲而令瘳之樊父既得難勝曰必千金乃還勝怒走訴

于上樊父亦訟勝言其居家所為且曰場下瘞兵器上

予勝酒曰我不問勝歸遂自死諸子皆不得封勝去傅友德

死才兩月開邊之猛將盡矣



王世貞曰馮國用不死其岐陽伯仲乎勝有大將才積戰  
功久而其中不能無欲且又時、見驚禁焉能免乎金山  
之役璽書凡三下以中山開平二王為喻死始而勉之中  
而戒之終而媿焉雖然勝功大罪不能掩謫廢可也嫌死  
不可也不王可也不侯不可也

朱國禎曰功臣非謀逆而受禍者其根必有所自起宋公  
之失在于不奉命擅歸而多欲次之西郵初下反側未安  
任寄何如而可以輕委夫以山中王布衣兄弟功業蓋天  
漂、不失尺寸宋公親奉行間不能則效敢以意自為出

入寧止桀驁而已金山之役詔戒至三終不能率要之非  
大將才 聖祖以二王既逝特以勇略不得已用之又次  
及于涼公皆不克終蓋以悍將事嚴主理勢固然無足怪  
者顧其功遠其甌寧上甌寧智人也亦福人也宋公智既  
不長福又遠謝寂、至今不聞一綫一盃之報吾是以憐  
之叙其功于六王之次

復分宜縣鉄冶


戊辰徙青兗登萊濟南民就東昌開墾間田

興烏撒衛屯田

國權

洪武二十八年

三





庚辰詔右軍都督府榜諭龍州土官趙宗壽初鄭國公常茂  
謫龍州宗壽娶故土官趙貼堅次女為妾會茂卒宗壽與貼  
堅婦氏爭印相失婦赴京訴宗壽從子不應襲 上不問至  
是有言殘匿龍州未死故令宗壽送茂入京如果死亦赴京  
言狀否則兵至不貸

戊子命罪人罰役死者免父兄追補

三月甲午朔丙申罷龍江大勝港抽分場官

戊申中軍都督僉事朱信充總兵官領海運


己亥東勝衛百戶吳信坐侵暴屯卒誅仍諭守邊諸將士

乙巳谷王德之國宣府

殺長洲王行行博洽工文翰以客藍玉所被逮責狀對曰本  
書生辱大將軍客禮甘與俱死有銀工為玉治酒器既誅銀  
工質所記主家姓名皆捕逮

劉鳳曰王生有縱橫才當群雄間慨欲立功名既無所就  
卒乃死黨人凡若蒯通雖其言不外聞然王之威強振主  
性又暴戾豈足與者無生平舊而一旦遂為石交生既  
無以勸之抑損而又甚之坐取夷滅非為不幸也

設遷曰王行事不足存今記之何也癸酉九月赦藍胡餘



黨詔曰蓋賊為亂謀泄捉拿族誅萬五千餘人餘不盡者  
已榜赦之越二年王行猶懼其禍則前詔直故紙耳穎宋  
駢臨鉗忌滋蔓凡摧鋒衝堅鞭霆扼虎之才委命獄吏求  
死無地而帝之寢食少安矣無何遽有靖難之師諸將  
皆庸才不如是不足以開聖人也

癸丑秦王棟薨年四十謚曰愍冊曰朕封建諸子爾以年長  
首秦期在永保祿位夫何不良竟殞厥身特謚爾愍妃王氏  
殉死謚愍烈  
戊午罷太僕寺群監官牧其馬屬有司

討西番破之


編立籍定里里各百戶如喪疾患富助貲負助力春秋耕獲  
或無力百家代之以教民厚

四月甲子朔命國子生分行天下勾稽吏牘

己巳禮部右侍郎張炳為左侍郎翰林編脩齊麟為右侍郎  
盧原質為太常寺少卿

辛未命秦世子尚炳嗣秦王

禮部尚書任亨泰議喪服記諸侯命天子之命服其命服使  
者出返喪服即位而哭詔行之



壬申蠻寇鄧華仔等伏誅

致仕兵部尚書唐鐸諭趙宗壽

五月癸巳朔大陞指揮以下等官

庚子李芳英為戶部留守司留守李景隆之子

四川賊田大虫作亂官軍討斬之

六月乙丑肅王棖之國甘州

壬申四川雲南邊夷皆立學校

辛巳總兵官周興等至開原追西陽哈于黑松林不及獲男

女馬匹而還

丁亥曹國公李景隆飭兵陝西

己丑上御奉天門諭群臣用法止守律與大誥減等其請

用黥劓等刑及請設丞相者處以極典外戚有犯除謀逆外

免逮會議上裁


普定蠻恣掠命都指揮顧成等討之

七月癸巳翰林編修馬京署通政司事

廣西總兵官韓觀擊斬宜山蠻酋常召趙成秀等班師

戊戌確山縣野蚕成蠶群臣請賀不許

詔故武臣傷亡者子弟嗣秩雖比試不合仍還衛署事予半



俸二年後比試仍不合者謫戍

工科給事中陳洽等言大臣犯重罪蒙宥宜降其班從之班九品後

戊午勅國子生習春秋曰孔子修身立政之道備矣處事決疑孰能舍諸


方士獻道書卻之

八月丁卯左都督楊文為征南將軍總兵廣西都指揮使韓觀右軍都督僉事朱晟為左右副將劉真為叅將率京兵三萬至廣西會師討龍州趙宗壽及奏議南丹向武等州叛蠻

戊辰禮部尚書任亨泰監察御史嚴震直使安南諭以討趙宗壽之故恐其接壤易疑也

信國公湯和卒和字鼎臣鳳陽人以滁陽王牌頭為招討授統兵元帥累軍功自中山侯進封和長帝三歲初起兵諸將皆等夷不相下和執部曲禮甚謹性慎畏卒以功名終年七十追封東甌王謚襄武

王世貞曰以湯信公之戰伐其績何寥々也其後乃爵上公贈真王便蕃之賜諸勳舊不敢望焉顯融令終美哉乞骸一語基之矣夫以絳侯勃之定策有社稷勲而煩人主



詔乃快之國彼其君臣俱失之也予嘗按行登萊海上  
其父老歷之指燧戍云湯信公功不可磨滅徵信公吾其  
鯨鯢食矣嗟乎高皇帝之能器使入也如此  
何喬遠曰予觀鄧寧河之摧抑不怨湯東甌之受責自謝  
而知功臣保世之道焉不然開國諸公何林也李沐則  
肺腑矣獨二公者能與徐常哀然太廟之列耶  
丙子命江陰侯吳高領南寧兵安陸侯吳傑領柳州兵各千  
人龍征龍州  
趙宗壽伏罪詔楊文等罷兵移討奉議等叛蠻仍命兵部尚

書唐鐸參軍事

戊子更定皇太子親王等封爵冊寶之制

龍州趙宗壽來朝

丁酉征前將軍胡冕追捕桂陽山賊悉擒斬之


左都御史曹銘有罪誅

九月甲午岷王梗之國雲南

免山東及應天鎮江太平寧國廣德田租

崇山侯李新有罪伏誅

命衛所鎮撫發夜巡銅牌分守防寇



庚戌頒祖訓條章于内外文武諸司勅曰自古國家立建法  
制皆在始受命之君子孫遵守而已蓋始受命之君起自側  
微備悉周知後世守成之主未諳世故山林初出之士自  
矜已長至有奸賊之臣徇權利作聰明上不能察而信任之  
變更祖法以貽禍敗是以日夜精思永垂典則朕少遭亂離  
賴天之眷剪除混一即位以來勞神焦慮與海内期平治作  
祖訓一篇開導我後人世為家法禮部其頒條章于天下後  
有言更者以奸臣論殺無赦  
免撒烏烏蒙芒部東川歲賦氊衫

北平永清衛之龍門嘉禾生異莖同穗

楊文庫申討廣西右江歸德州土官黃碧等滅其蓋課

是月重定宮官六尚品職及內官監司庫局與諸同官并東

宮六局王府承奉等官職

閏九月丁卯吏部尚書翟善受賄罪當死其父謙乞宥成許之  
降為宣化知縣

諭征南將軍楊文等鑿井避水毒


湖南沅州苗賊及廣西思恩洞蠻等悉為官軍平之

壬午冊燕王世子高熾

國權

洪武二十八年

九



丁亥鎮遠苗蠻作亂官兵討破之

庚寅詔定親王歲賜祿米親王歲萬石郡王二千石鎮國將軍千石輔國將軍八百石奉國將軍六百石鎮國中尉四百石輔國中尉三百石奉國中尉二百石公主及駙馬二千石郡主儀賓各八百石縣主儀賓各六百石郡君儀賓各四百石縣君儀賓各三百石鄉君儀賓各二百石

重定 皇明祖訓召諸王賜之諭以子孫衆多減祿之意

晉王燕王楚王蜀王湘王每歲各給祿一萬石秦王幼與周王皆未給餘一千石或五百石未之國或邊地荒歉

十月癸巳 上于東宮親王世系預命二十字為名首一世一

字臨時足二名

給還安南備餉價直

初輸米二萬石餉奉議向武軍具黃金千兩銀二萬還之

國子生劉簡乞宥父罪養祖許之


癸卯冊光祿寺卿馬全女為皇太孫允燮也

征南將軍左都督楊文等討奉議南丹叛蠻破之左副將軍

韓觀分討都康向武勞上林等州縣斬渠帥黃元鉞等先富

後斬萬八千餘人招蠻民復業徙置象州武宣縣蠻寇悉平

致仕兵部尚書唐鐸參軍事會諸將置奉議衛并向武河懷



集武仙賀縣守禦千戶所戍守之

置龍州軍民指揮司

討廣東廣西土官懷貞佑擒之

十一月癸亥侍臣進讀講尚書無逸篇 上悅曰朕每觀是篇

必反覆詳味以求古人之用心

顧成討貴州土官阿傍平之

乙亥夜月食

禮制集要成

其書載冠服房室器皿傘蓋琳帳弓矢鞍轡儀從奴婢俸祿奏啟署押體式定制頒布中外

郭正域曰夫禮者奉天敬地網紀人倫利用安身教民成

俗唐虞三代有損益革命之際多沿先代周人初年肇稱

殷禮漢草儀雜采秦法唐皇脩文多用隋禮宋初通禮半

約唐儀即有損益所因居多胡元之世天澤既易禮安用

之先王典論刑漸無存冠冕椎結號令株儒大拜報天即

日月山金書玉篆用蒙古字册后之初帝后並坐大明殿

右丞相起而上壽壽帝壽后冠禮婚禮從其本俗大宴而

服只孫冬則納石室里夏則鉞笠都納剪柳代射跪足代


拜行之百年文物盡矣 高皇帝闢乾坤而新日月朝百

神而首庶物在位三十餘年世而後仁即位之始勅中書

國權

洪武二十八年


十一





省禮制未定今天下郡縣高潔博雅之士年四十以上者  
于是儒士徐一夔梁寅劉于暨周子諒胡行簡劉宗弼董  
彛蔡深滕公玟至京詔同脩禮書而元年議郊祀耕籍禮  
三年勅尚書崔完等議喪禮九月大明集禮成其準五禮  
而益以冠服車輅之儀狀鹵簿字禮五月考定服色所尚  
尚赤初議百官禮儀尚左四年八月諭中書省以房舍俱  
服飾明立禁條頒示中外俾有所守五年三月諭禮臣稽  
考歷禮布之天下庶几返古六年三月禮官上所言禮儀  
其更參訂務合人情七年十一月孝慈錄成言父母三年

喪制自是十餘年間所著禮書曰國朝禮制曰稽古定制  
曰國朝制作曰大禮要議曰皇朝禮志曰禮儀定式曰大  
明禮制曰洪武禮法曰禮制集要曰禮制節文曰太常集  
禮曰禮書諸多藏秘閣繪圖議文者未暇悉數上之郊廟  
朝廷次之侯王郡邑下之閭巷州黨洋々優々無大無細  
隆禮曲禮如正至而傳同度則行慶之施也朝覲而定黜  
陟則明試之規也祭祀而去俎豆則順時之意也訓儲而  
議再拜則教胄之模也永思而隆徽稱則追王之遺也宮  
闈而等后也則軒轅之制也封拜而嚴本支則主器之辨



也冠婚而逮士民則周道之隆也喪服而均斬衰則孺慕之本也冠服而有五冕則易簡之道也曰嬪而正禮文則釐降之義也其間損益百王超越千古或以義起或沿時革逮巡狩監國之儀定于英皇陵廟嫡庶之分正于孝皇禮肇于文皇詩書禮樂之文正于宣皇講帟設經之儀定于英皇陵廟嫡庶之分正于孝皇郊廟耕蠶之儀舉于世皇而表明一代之禮伯夷不能典柱下不能述矣

魏國公徐輝祖往鳳陽長興侯耿炳文往陝西錦衣衛指揮

劉智往鎮江練兵

參將劉真等攻破南丹州蠻地悉平

是月諸海外諸國入貢

都勻蠻叛官軍討平之


十二月壬辰山東河南新裁桑棗俱免起科

丙申邊境築城軍士停役一年

總兵官胡冕平廣西桂陽賊進兵兩廣王恭恩賈吳承恩

戊申詔楊文等班師蠻寇未靖者有司撫恤

己酉朝鮮入貢賀正旦上表而慢詔逮其撰



辛亥洪武志成述都城山川地里封域之沿革宮闕門觀之  
制度以及壇廟寺觀宇街市橋梁之易置  
戊午內使趙達宋福使暹羅斛國祭故王叅烈寶昆牙思哩  
多羅賜嗣王蘇門邦王詔祿群膺文綺羅布勅諭  
重建朝天宮成專群臣習儀

國權

洪武二十九年丙子  
鹽官設遷孺木著

正月壬戌詹事府丞杜澤為吏部尚書左春坊左贊善門克新

為禮部尚書  
乙丑朝鮮國王李旦

遣使上表請印


誠令禮部諭止之

疏陝西西安城中水渠

丁丑定擒獲倭賊賞格  
是月貴州蠻作亂官兵討平之

國權

洪武二十九年




辛巳散騎舍人湯醴為左軍都督僉事湯和庶子  
肅府長史司吏郭希顏給田長史林玟等啟王留之吏部以  
聞上不許曰事雖小然防其漸王年幼聽信左右恐後非  
便可遣諭王此意仍令長史司官吏以狀對  
二月庚寅遣行人李思聰錢古訓使平緬百夷時百夷思倫發  
平緬上各賜詔諭解之思倫發聞詔謝罪願罷兵平緬亦  
聽命思倫發餽古訓金寶象馬等書卻之古訓還奏著百夷  
傳紀其山川人物風俗道里之詳以進賜襲衣  
辛卯仍給東甌王家祿三千石

甲午禮部尚書任亨泰使安南諭以討龍州趙宗壽之故陳  
日焜奉命亨泰還私市蠻人為僕降御史

陝西軍壯代役者老幼悉徙黃河南岸屯種三年輸租軍老  
者還鄉依親無依者回京養贍肅州軍糧從近地支給皆陝  
西行都指揮使司僉事張豫之言上從之

安南告前國王陳叔明之喪以其篡弒罷弔慰之禮

癸卯征前將軍指揮僉事胡冕討彬桂山寇分遣指揮僉  
事宋晨等平廣東潭源諸洞及廣西平川壩益之地斬數千  
餘人械渠帥八人京師僇之遣使諭曰命爾往征寇亂意在



穢渠乃槩行駢僂宋曹彬不殺後嗣以昌曹翰殘酷身罹窘窮往者不追後當為戒

丙午浚常州府武進縣奔牛呂城二壩

辛亥寧王權言巡塞見脫輜意胡兵往來道上慮且寇邊勅

燕王選精卒壯馬抵大寧全寧沿河南北覘視隨宜掩擊之

壬子命陝西行都指揮使陳暉同知馬溥等率甘肅等衛兵

五千人討失刺罕偽王撒力失等斬獲甚眾

甲寅給恩軍月糧先籍沒人免死者曰恩軍

乙卯赦浙江遂昌民繆宗等六人以捕殺奸民論罪

御史辛彥德過彭澤奏民饑有司不能存恤詔賑之杖有司

三月甲子燕王出塞逐徹免山敗之擒其酋字林帖木兒等數十人追至兀良哈城道遇哈刺兀復戰大敗之

丙寅國子監學正吳啟署祭酒博士楊滋署司業學錄張毅


署監承事面諭以簡身飭行守道尊嚴使諸生敬慕而化

壬申行人司副楊砥請孔子從祀罷楊雄進董仲舒從之

設遷曰楊雄任莽作符命投閣老七十一天鳳五年卒按

桓譚新語云雄作甘泉賦一首夢腸出收而內之明日遂

卒而祠甘泉在永始四年雄卒去莽墓尚遠劇秦美新或



出谷子雲非雄也

戊寅延安知府李廣坐累同知李受言其勤正愛民乃釋之  
清水江蠻叛官軍捕獲之

壬午行人陳誠立撒里畏兀兒為安定衛指揮使給印五十八  
四月戊戌增海運糧八十萬石

湘陰縣丞劉英酷刑逮斬之

甲寅徐輝祖同禮部翰林各官考國子生次第送部錄用

是月右軍左都督寧正卒正安徽壽州人從上滁和二州  
渡江累功子忠為鷹揚衛指揮使擢前軍都督僉事

五月丁巳朔續置文官歷任貼黃簿

有司脩築各處河隄

貴州蠻叛殺土官王應名官兵討平之

四川土官普習叛官軍討誅之

蜀王平四川各叛番

庚午以淮徐桑種二十萬株令民栽于長沅靖金道永寶慶

衡州


壬申夜月食奎宿

戊寅始給詹事翰林院尚寶司中書舍人六科給事中儀府

國權

洪武二十九年

四



禮司牌驗出入午門

六月丁亥朔廣西捕獲叛蠻三千餘人

癸卯前軍都督府斷事廖昇為太常寺左少卿翰林院編脩  
張顯宗為太常寺寺丞左僉都御史辛彥德為詹事府

七月丙辰朔 上觀唐書至宦者魚朝恩謂諸侍臣曰漢之末  
年雖宦官驕縱尚無兵權至唐授之太阿馴至劫脅天子廢  
興在握朕深鑒前轍服役使而外重者傳命四方而已但有  
罪罰無赦也

廣東惠州指揮丁振等禦倭寇坐怯懦不前誅之

丙子定各省未入流文官陪祭俱用祭服

先是遼東百戶夏質送朝鮮使者誘質渡鴨綠江沉之勅左  
軍都督楊文舉朝鮮義州詰其實

癸未晉王進山西陽曲等縣嘉禾


頒天下表箋務典質

衛卒鬥傷其子救之擊鬥者死之坐絞 上原其情宥之

漢中府教授方孝孺主試應天

八月丙戌朔置開平四屯衛

丁亥沅陵黔陽諸洞蠻叛楚王自沅州伐山踰岨至天柱山



深入苗塞平之

丁未免太平寧國應天鎮江等府廣德今年田租

已酉禮部尚書門克新卒克新陝西秦州人任本州訓導入

朝敷奏亮直超左贊善遷今官寬厚和易 上惜之遣祭護

喪歸葬

庚戌改六部諸屬為清吏司稍更官名于吏部曰文選驗封

稽勲司于禮部曰儀制司祠祭司精膳司于兵部曰武選司

車駕司武庫司于工部曰繕營司屯田司都水司虞衡司餘

司仍舊

重定諸王見東宮之禮禮官議諸王來朝冕服見 上畢次

進見東宮叙家人之禮但常服王入文華殿東門至後殿王

西向東宮南向四拜王坐受叙坐東宮則正中南向諸王左

右奏上從之時以諸王皆東宮叔父故有是議然頗覺以尊屬


訛藩釁始萌

九月丙辰朔兵部尚書唐鐸參軍事廣西請修興安縣三十六

陟漑田命御史嚴震直督工遂通漕

丁卯朝鮮國王李旦以 上責表文粗謬送撰人鄭總等入

京釋之 上以其樂禍挑釁留之





命閉延安綏德慶陽鹽池

乙亥詔天下致仕武臣于京師大賚之曰朕起兵渡江之時與爾等皆少壯今已老矣久不相見居恒思之資爾薄物還終天年朕與爾等同歷諸艱天佑朕子孫則爾等子孫亦有無窮之祿爵諸臣感激有墮淚者諭兵部各陞官一級

丙子民有論死者其弟請從軍代贖上憫之同繫三十餘人皆免死謫戍

已卯諭車里軍民知府刀砍為亞中大夫車里軍民宣慰使司

十一月乙酉朔定各司奏事次第

抽選屯田壯士更代

已酉更定雲南通海鹽價

甲寅皇曾孫文奎生皇太孫之長子上以十月數終又晦日


詔勿賀

省天下按察分四十八道為四十一

十一月乙卯朔免國子生朔望朝參


壬戌增詹事屬官左右清紀郎司諫通事舍人

十二月乙酉朔行人陳誠呂讓使安南諭還思明侵地先是思



明土知府黃廣成奏元初征交趾去銅柱百里立永平寨軍  
民萬戶府戍守元季交人破永平寨越銅柱二百餘里奪我  
邨溫如熬慶遠懷銳等五縣又尚書任亨泰立站于洞登彼  
云屬銅柱界則建武志可攷也 上據奏遣誠等往諭久不  
決誠等遺陳日焜書曰使者不佞辱 主上明命久未決無  
以復 主上也使者今援古証今析利覲害以告執事在後  
漢時徵側反馬援討夷之立銅柱經外界唐虞五管之一  
宋始自樹然乾德寇邊郭逵討之擒偽太子洪貞乾德懼而  
割廣源門州思浪蘇茂梳榔之地降元初有天下爾先王光

曷首稱臣脩質迨日烜嗣改操于是世祖來討日烜蒙荆爾  
棘竄島浮舶城郭宗社人民凡盡日燔鑿前失祈命于元且  
曰向者天使辱臨小國迎送止祿州懼冒侵越之罪不敢過  
邨溫也則是邨溫以北地不在爾國明矣今爾國乃越淵脫  
踰如熬慶遠而盡有之將乘元末兵亂解隙僥倖而得之耶  
行人下車之日王之君臣皆曰此地故屬安南不言所以始  
也毋乃為大言誑我耶抑王懼以侵地得罪強自飾耶主  
上神聖不計王前罪乃計王飾罪耶其熟圖之日焜不聽  
已巳頒稽古定制書俾功臣家遵守 上自序曰昔先王制



禮別尊卑定貴賤上下秩然朝代雖改禮樂制度多相因也  
或有損益小過不及而已朕自定天下以來立綱陳紀頒布  
天下有年歲矣至若官民房室墳塋碑碣亦嘗斟酌前代著  
畫一制豈期奸臣胡惟庸故紊條章俾諸功臣不遵守雖先  
塋碑碣亦不樹立最甚無如藍玉房屋家奴人至數百馬坊  
廊房皆用九五間數營店舍宅垣中招集百工與為市易心  
欲背朝廷為亂夫自古賢人君子一心公朝念所食祿不耕  
不蠶坐享民供又敢興販與之爭利令我文武臣往々不屬  
厭使子弟奴僕家人坐商行賈至出外倚勢中益越資攬次


撓法多端今命翰林官酌定唐宋制定墳塋碑碣丈尺房室  
間架及食祿之家興販禁例編類成書永遵守之嗚呼敬德  
朕言聿求多福

討四川永寧土賊及瀧水縣叛蠻

已亥月食于井

丙午定鎮國將軍與公侯駙馬伯文武官相見之禮及出入  
稱呼之制


永州知州余彥誠齊東知縣鄭敏定遠知縣高斗南儀真知  
縣康彥民岳池知縣王佐安肅知縣范志遠當塗知縣孟廉



縣丞趙森懷寧知縣蘇益休寧縣丞甘鏞皆坐事逮獄各者  
民詣闕稱善政上並嘉之賜襲衣靴鈔遣還仍賜者民道  
費


順寧府土酋阿羅叛伏誅  
五星素度

國家圖書館, NATIONAL CENTRAL LIBRARY, TAIWAN, R.O.C.










國家圖書館, NATIONAL CENTRAL LIBRARY, TAIWAN, R.O.C.









國權

建文元年己卯

正月庚辰朔 上南郊 太祖高皇帝配享先是戊寅御奉天

殿誓百官夕齋於文華己卯舍皇邸庚辰子夜脫烏行禮昧

爽還朝受賀翰林侍講方孝儒上郊祀頌

詔養老賜高年米絮帛有差命官贖民鬻子

癸未改行都司昌州為昌州長官司普濟州為普濟州長官


司威龍州為威龍州長官司

建文元年

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



丁酉遣使告即位於天下神祇國子監司業張智詣闕里

詔京省開科鄉試

廢代王桂為庶人幽于大同中府都督同知陳質發其陰事也靖難後誅之

百夷平服征將軍總兵官何福等師還

勅修太祖高皇帝實錄禮部左右侍郎兼翰林院學士董

倫王景彰為總裁官太常寺少卿廖昇翰林院侍講學士高

遜志為副總裁官國子監博士王紳漢中府教授胡子昭齊

府審理副楊士奇崇仁訓導羅恢雲南馬龍他郎甸長官司

吏日程立本等纂修

二月癸卯大理寺改太常寺

增太僕寺官

丙午都督韓觀練兵德州


己酉令親王不得節制文武吏士

庚戌追尊皇考懿文皇太子為孝康皇帝廟號興宗皇妣

懿敬皇太子妃為孝康皇后

立妃馬氏為皇后封弟允熲為吳王允燧為衡王允燾為徐

王詔曰祖宗廟謚稱號所以褒顯功德薦之天下後世不



宜諱之自今諱廟諱謚廟稱號勿諱山林岩穴間有才德廉  
能之士為人素推重者有司以實聞軍民年至八十以上亡  
男女者其賜米一石肉十斤酒二斗九十以上者加帛一升  
綿一斤其犯杖以上及嘗為隸優者不得與馬鰥寡孤獨貧  
而無告者每歲給米三石親戚養之若無親戚者里鄰相收  
卹田荒不可治者除其賦義夫節婦孝子順孫及同居五世  
以上者有司以聞不能嫁娶喪葬者部伍鄰族相資助民罹  
災者速賑軍中孤兒廢疾無養及老有代者一體撫綏還鄉  
自便者聽前代兵後骸骨春時掩埋毋令暴露衛所軍戶絕  
者除勿勾

纂脩官陳本立為左僉都御史

立子文奎為皇太子群臣稱賀

宗人府儀賓耿璿進駙馬都尉江都郡主進公主耿璿領前


軍都督府

魏國公徐輝祖曹國公李景隆加祿秩有差

辛酉廣東鹽課提舉司改為廣東都轉鹽運使司海北鹽課

提舉司改為海北鹽運分司

乙丑革戶部刑部十二清吏司立戶部職民度支金帛倉庾



四司刑部立詳憲比議職門都官四司

是月燕王棟來朝絕駝道登陛不拜監察御史曾鳳韶侍班  
奏曰諸王來朝殿上宜行主臣之禮宮人始宜行家人禮今  
燕王大不敬當問不報

已已天下提刑按察使司命改為肅政按察司分巡道改為  
分司草照磨所

戶部左侍郎卓敬上言燕王智慮絕人酷似先皇帝北平  
為強幹之地金元所由興起也宜及今徙封于南昌羽翼既  
剪則變無從生萬一有之亦易于控制夫萌而未動者幾也

量時而為者勢也勢非至剛莫能斷幾非至明莫能察上  
曰燕王骨肉至親何言及此卓敬對曰楊廣隋文非父子耶  
帝王之孝在保安社稷小所論也上默然良久曰卿休矣  
朕方思之事竟寢

設遷曰宗衅既開猜望日甚而燕王輕身試不測之地雖  
其逆知朝廷無人亦豈真有自全之策哉不過伺間釋嫌  
徼幸于萬一耳卓惟恭能代其謀陰絕禍本而帝以優  
柔不斷置之其後寧王權國南昌文皇百年外宸濠犯  
順不決月而平于是信惟恭之為慮遠也曲突徙薪用之

